



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De confidentia Deo habe[n]da, quando insurgunt verboru[m] iacula. xlvi

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

est alter talis. O quām bene sapuit sancta illa anima, quæ dixit: Mens mea solidata est, & in Christo fundata. Si ita mecum foret, non tam facile timor humanus me solicitaret, nec verborum iacula mouerent.

4. Quis omnia præuidere, quis præcavere futura mala sufficit? Si prævisa sæpe etiā lèdunt, quid improuisa nisi grauiter feriunt? Sed quare mihi misero non melius prouidi? Cur etiam tam facile alijs credidi? Sed homines sumus, nec aliud quām fragiles homines sumus, etiamsi angeli à multis aestimamur & dicimur. Cui credam Domine? Cui, nisi tibi? Veritas es, quæ nō fallis, nec falli potes. Et rursum: Omnis homo mendax, infirmus, instabilis, & labilis maximè in verbis; ita ut statim vix credi debeat, quod re-

stum in facie sonare videtur.

5. Quām prudenter præmonuisti caendum ab hominibus, & quia inimici hominis, domestici eius, nec credendum, si quis dixerit: Ecce hīc, aut ecce illic. Doctus sum damno meo, & vtinam ad cautelam maiorem, & non ad insipientiam mihi. Cautus esto (ait quidam) cautus esto; serua apud te, quod dico. Et dum ego fileo, & absconditum credo, nec ille filere potest, quod silendum petijit: sed statim prodit me & se, & abiit. Ab huiusmodi fabulis & incautis hominibus, protege me Domine, ne in manus eorum incidam, nec unquam talia committam. Verbum verum & stabile da in os meum, & linguam callidam longè fac à me. Quod pati nolo, omnimodè cauere debeo.

6. O quām bonum & pacificum de alijs filere, nec indifferenter omnia credere, neque de facili ulterius effari, paucis seipsum reuelare, te semper inspectorem cordis querere, nec omni vento verborum circumferri, sed omnia intima & extrema, secundum placitum tuæ voluntatis, optare perfici. Quām tutum, pro conservatione cœlestis gratiæ, humanam fugere apparentiam, nec appetere quæ foris admirationem videntur præbere, sed ea, tota sedulitate sectari, quæ vitæ emendationem dant & feruorem.

7. Quām multis nocuit, virtus scita ac præproperè laudata. Quām sanè profuit gratia silentio seruata in hac fragili vita, quæ tota tentatio fertur & militia?

CAPVT XLVI.

De confidentia in Deo habenda, quando insurgunt verborum iacula.

1. Fili, sta firmiter, & spera in me. Quid enim sūt verba, nisi verba. Per aërem volant, sed lapidem non lèdunt. Si reus es, cogita quòd libenter emendare te velis. Si nihil tibi cōscius es, pensa quòd velis libenter pro Deo hoc sustinere. Parum satis est, ut vel verba interdum sustineas, qui necedum fortia verbera tolerare

402 DE IMITATIONE CHRISTI
vales. Et quare tam parua tibi ad cor transeunt, nisi quia adhuc
carnalis es, & homines magis quam oportet attendis? Nam quia
despici metuis, reprehendi pro excessibus non vis, & excusatio-
num umbracula queris.

2. Sed inspice te melius, & agnosces, quia viuit adhuc in te mu-
dus, & vanus amor placendi hominibus. Cum enim bassari re-
fugis & confundi pro defectibus, constat utique, quod nec verus
humilis sis, nec verè mundo mortuus, nec mundus tibi crucifixus.
Sed audi verbum meum, & non curabis decem milia verbi
hominum. Ecce, si cuncta contra te dicerentur, quae singi malitio-
sis imè possent; quid tibi nocerent, si omnino transire permitt-
res, nec plusquam festucam perpenderes? Nunquid vel unum ca-
pillum tibi extrahere possent?

3. Sed qui cor intus non habet, nec Deum pre oculis, faciliter
verbo mouetur vituperationis. Qui autem in me confidit, ne
proprio iudicio stare appetit, absque humano terrore erit. Ego
nihil sum iudex, & cognitor omnium secretorum. Ego scio, qua-
liter res acta est. Ego iniuriantem noui & sustinetem. A me exiit
verbum istud, me permittente hoc accidit, ut reuelentur ex mul-
tis cordibus cogitationes. Ego reum & innocentem iudicabo,
sed occulto iudicio vtrumque ante probare volui.

4. Testimonium hominum saepe fallit, meum iudicium verum
est, stabit, & non subvertetur. Latet plerumque, & paucis ad sin-
gula patet; nunquam tamen errat, nec errare potest, etiam si oculi
insipientium non rectum videatur. Ad me ergo currendum est
in omni iudicio, nec proprio innitendum arbitrio. Iustus enim
non conturbabitur, quicquid a Deo ei acciderit. Etiam si iniuste
aliquid contra eum prolatum fuerit, non multum curabit; sed
nec vanè exultabit, si per alios rationabiliter excusat.

Psal. 7. &
Apoc. 2. 5. Pensat namque, quia ego sum scrutans corda & renes, qui
non iudico secundum faciem & humanam apparentiam. Nam
saepe in oculis meis reperitur culpabile, quod hominum iudicio
creditur laudabile. Domine Deus, iudex iuste, fortis & patiens,
qui hominum nosti fragilitatem & prauitatem, esto robur meum
& tota fiducia mea, non enim mihi sufficit conscientia mea. Tu
nasti, quod ego non noui; & ideo in omni reprehensione humiliare
me debui, & mansuetè sustinere. Ignosce quoque mihi pro-
pitius, quoties sic non egi, & dona iterum gratiam amplioris suf-
ferentiae. Melior est enim mihi tua copiosa misericordia ad con-
sequitionem indulgentiae; quam mea opinata iustitia, pro de-
fensione latentis conscientiae. Etsi nihil mihi conscius sum, ta-
men in hoc iustificare me non possum; quia remota misericordia
tua, non iustificabitur in conspectu tuo omnis viens.

CAPVT

